

Cun muntognas magicas avra «cultuRa+» sia segunda stagiun

■ (Ir) Cun «Muntognas magicas» avra «cultuRa+», il program da cultura da la Lia Rumantscha, ils 8 d'october sia segunda stagiun. Anna Serarda Campell, Arno Camenisch ed auters legian novas ditgas d'auturas e d'auturs giuvens. Inspirà da vegls usits mussa l'actur Lorenzo Polin ina performance da teater. Cun il cudesch «Muntognas magicas» envidan ils auturs *Gabriela Holderegger* e *Jano Felice Pajarola* ad in'excursiun culturala variada tras il Grischun. «Muntognas magicas» – in cudesch che ha bler da porscher: ditgas, usits, receipts e preziosas linguisticas rumantschas da nossas regiuns muntagnardas. Indesch auturas ed auturs giuvens èn sa laschads inspirar da ditgas da lur valladas nativas ed han scrit novas ditgas rumantschas. Intginas da quellas vegnan prelegidas.

Cuschiniers che derivan da la Rumantschia han interpretà da nov receipts indigens. Intginas da questas tragas vegnan servidas a l'avertura. «Muntognas magicas» è ina coediziun da la chasa editura Südostschweiz Buchverlag e da la Lia Rumantscha. Il cudesch è biling, rumantsch e tudestg.

«cultuRa+» promova artistas ed artists giuvens e lur cultura d'origin rumantsch. Ensemen cun partenaris porchia il program ina plattafurma ad ar-

tistas ed artists professionals rumantschs e sustegna lur projects. Sco «chasa virtuala da pliras spartas» preschenta «cultuRa+» en differents lieus entaifer ed ordaifer il Grischun occurrenz culturalas. Ils 18 da november concertescha la giuvna chantadura sur-silvana *Ursina Giger* en il Caferama a Zuoz.

Il cumenzament da december festivescha Quintinò, la combo da musica mundiala cun *Guido Decurtins*, *Fredy Manser*, *Michel Estermann*, *Laura Decurtins* ed auters lur emprim batten da DC. Curt avant Nadal va il pastur Giacumbert Nau da la Greina www.liarumantscha.ch en il Theater Tuchlaube ad Aarau. Là frunta il toc alpin brachial sut la reschia da *Manfred Ferrari* sin la realitad urbana en la Bassa da l'Argovia. Per metter il toc da teater en in context pli vast envida il Theater Tuchlaube il november ad ina conversaziun a maisa, durant la quala *Leo Tuor*, *Iso Camartin* ed ulteriurs giasts van a fund al mitus alpin ed a la noziun da la patria.

Avertura ils 8 d'october: A las 18.00 vernissascha dal cudesch «Muntognas magicas». A las 19.30 tschaina e litteratura. In'annunzia per la tschaina è necessaria: 081 258 32 22, Ir@rumantsch.ch. Chasa Rumantscha, Via da la Plessur 47, Cuira. Il program cumplet da «cultuRa+» è publictà sin www.liarumantscha.ch